



Finansira
Evropska unija

Regionalni program lokalne demokratije na Zapadnom Balkanu 3 ReLOaD3



Regionalni program lokalne demokratije na Zapadnom Balkanu 3 (ReLOaD3), koji finansira Evropska unija (EU), a provodi Razvojni program Ujedinjenih nacija (UNDP) objavljuje:

JAVNI POZIV za članstvo u Savjetodavnoj grupi ReLOaD3 projekta u Bosni i Hercegovini

ReLOaD3 se provodi na Zapadnom Balkanu i to u: Albaniji, Bosni i Hercegovini (BiH), Crnoj Gori, Kosovu¹, Sjevernoj Makedoniji i Srbiji, a sa realizacijom je počeo 1. februara 2025. godine. Kroz ovaj program, institucije vlasti se podstiču da budu otvorenije i da bolje sarađuju s civilnim društvom, dok organizacije civilnog društva (OCD) dobijaju podršku da budu snažniji glas zajednica koje predstavljaju. Tako se osigurava da javna sredstva budu transparentno raspoređena i da sve građanke i građani imaju priliku da učestvuju u društvenim promjenama.

U BiH, u projektu učestvuje 14 jedinica lokalne samouprave (JLS)². Projektom je predviđeno formiranje Savjetodavne grupe kako bi predstavnici civilnog društva i jedinica lokalne samouprave mogli aktivno učestvovati i pružati podršku Partnerskom odboru i projektnom timu, s ciljem jačanja uticaja projekta na civilno društvo i lokalnu upravu.

Savjetodavna grupa se uspostavlja kako bi omogućila razmjenu informacija o realizaciji projekta te promovisala saradnju i dijalog u daljem razvoju civilnog društva. Učešće u Savjetodavnoj grupi je na volonterskoj osnovi. Sastanci Savjetodavne grupe će se održavati najmanje dva puta godišnje, a po potrebi i češće. Projektom je predviđeno i da predstavnik OCD iz Savjetodavne grupe učestvuje u radu Partnerskog odbora projekta³.

Kriteriji za učešće u Savjetodavnoj grupi

Projektnim dokumentom je predviđeno da članovi Savjetodavne grupe budu predstavnici OCD (manje organizacije lokalnog nivoa, kao i profesionalno etablirane organizacije sa dugogodišnjim iskustvom), predstavnici jedinica lokalne samouprave koje su prethodno učestvovala u ReLOaD1 i 2/ LOD projektu Jačanja lokalne demokratije, te ostali pojedinci koji svojim iskustvom mogu doprinijeti uspješnom radu. Pri izboru članova vodit će se računa o ravnomjernoj zastupljenosti predstavnika različitih tematskih sektora, geografskoj zastupljenosti i rodnoj zastupljenosti.

Ovaj javni poziv je otvoren za predstavnike OCD iz 14 partnerskih JLS i pojedince⁴.

Koje OCD mogu predložiti kandidata?

OCD mogu predložiti kandidata za člana Savjetodavne ako su:

- registrovani kao udruženja građana prije objavljivanja Javnog poziva,
- aktivni u zajednici i prepoznati od građana/korisnika njihovih usluga u zajednici,
- ako je kandidat za člana Savjetodavne grupe BiH državljanin, sa prebivalištem u BiH.

¹ Za Evropsku uniju, ovo imenovanje ne dovodi u pitanje stav o statusu i u skladu je s UNSCR 1244/1999 i Mišljenjem ICJ-a o proglašenju nezavisnosti Kosova. Za UNDP sve reference na Kosovo shvatit će se u kontekstu UN-ove Rezolucije 1244/1999.

² Bihać, Bileća, Gacko, Han Pijesak, Ilijaš, Kalesija, Nevesinje, Novi Travnik, Prijedor, Rogatica, Sanski Most, Travnik, Trebinje i Tuzla.

³ Partnerski odbor čine predstavnici Ministarstva civilnih poslova Bosne i Hercegovine, Ministarstva pravde Bosne i Hercegovine, Ministarstva uprave i lokalne samouprave Republike Srpske, Federalnog ministarstva pravde, Delegacije Evropske unije u Bosni i Hercegovini, Saveza opština i gradova Republike Srpske, Saveza općina i gradova Federacije Bosne i Hercegovine, te projekta Tehnička podrška organizacijama civilnog društva na Zapadnom Balkanu i Turskoj (TACSO3).

⁴ Predstavnici JLS bit će izabrani naknadno od JLS koje su ranije učestvovala u projektu, kako bi osigurao prenos stečenih iskustva.



Finansira
Evropska unija

Regionalni program lokalne demokratije na Zapadnom Balkanu 3 ReLOaD3



Potrebna dokumentacija

a) OCD trebaju dostaviti sljedeću dokumentaciju:

- kopiju rješenja o upisu u registar udruženja građana,
- pismo podrške OCD predloženom kandidatu uz kraću biografiju koja pruža dovoljno informacija o iskustvu i ekspertizi predloženog kandidata,
- kontakt podatke (telefon i/ili e-mail adresa) organizacije koja predlaže kandidata.

b) Pojedinci trebaju dostaviti sljedeću dokumentaciju:

- pismo podrške OCD predloženom kandidatu uz kraću biografiju koja pruža dovoljno informacija o iskustvu i ekspertizi predloženog kandidata,
- fotokopiju lične karte ili drugog identifikacionog dokumenta izdatog u BiH na osnovu kojeg se utvrđuje identitet kandidata za člana Savjetodavne grupe,
- biografiju sa podacima o iskustvu rada u i sa civilnim društvom,
- kontakt podatke (telefon ili e-mail adresa) kandidata.

Rok i način predaje dokumentacije

Javni poziv je otvoren od 25. septembra do 24. oktobra 2025. godine.

Kandidovanje za člana Savjetodavne grupe, vrši se dostavljanjem potrebne dokumentacije putem elektronske pošte na adresu registry.ba@undp.org, lično na protokol UNDP-a u BiH ili putem pošte na adresu:

Razvojni program Ujedinjenih nacija (UNDP BiH)

Regionalni program lokalne demokratije na Zapadnom Balkanu 3 (ReLOaD3)

Zgrada Ujedinjenih nacija

Zmaja od Bosne bb

71000 Sarajevo

Bosna i Hercegovina

s napomenom: **“Kandidatura za člana Savjetodavne grupe – ReLOaD3 projekat”**.

Prijave za članove Savjetodavne grupe će se razmatrati samo ako su dostavljene blagovremeno i sa potrebnom dokumentacijom. UNDP BiH će u roku od 15 dana od isteka roka za dostavljanje prijedloga kandidata obavijestiti izabrane kandidate o rezultatima odabira. Eventualna pitanja u vezi sa postupkom predlaganja kandidata za člana Savjetodavne grupe se mogu dostaviti elektronskim putem, na adresu: registry.ba@undp.org